

Արձանագրություն

ԵՊՀ Ժուռնալիստիկայի ֆակուլտետի գիտխորհրդի 2026 թ. փետրվարի 19-ի թիվ 6 նիստի

Գիտխորհրդի նախագահ Ն. Մարտիրոսյանը տեղեկացրեց, որ գիտխորհրդի 20 անդամներից ներկա են 16-ը, քվորումն ապահովված է, և առաջարկեց հաստատել նիստի օրակարգը: Գիտական խորհուրդը բաց քվեարկությամբ (միաձայն) հաստատեց օրակարգը, որում ներառված էին հետևյալ հարցերը.

- 1. Մեդիաուսումնասիրությունների ու նշանագիտության ամբիոնի վարիչի ընտրություն*
- 2. Անվանական կրթաթոշակների հավակնորդների հաստատում*

ԼՍԵՑԻՆ. – Մեդիաուսումնասիրությունների ու նշանագիտության ամբիոնի վարիչի ընտրության հարցը:

Նիստը նախագահող Ն. Մարտիրոսյանը տեղեկացրեց, որ ամբիոնի վարիչի մրցույթի համար դիմել է Բ.Գ.Դ., պրոֆեսոր Տիգրան Սիմյանը: Այնուհետև Ն. Մարտիրոսյանը խոսքը փոխանցեց ֆակուլտետի գիտխորհրդի քարտուղար Զարուհի Մարգարյանին՝ ներկայացնելու թեկնածուի կենսագրությունը:

Նիստը նախագահող Ն. Մարտիրոսյանը առաջարկեց ծրագրային ելույթի համար սահմանել մինչև 10 րոպե: Գիտխորհրդի անդամները բաց քվեարկությամբ (միաձայն) համաձայնեցին: Ծրագրային ելույթով հանդես եկավ Տ. Սիմյանը: Ելույթից հետո նախագահողի առաջարկով խորհրդի անդամները իրենց հետաքրքրող հարցերը ուղղեցին Տ. Սիմյանին: Վերջինս պատասխանեց բոլոր հարցերին:

Այնուհետև նախագահողը գիտական խորհրդի անդամներին ներկայացրեց փակ, գաղտնի քվեարկության կարգը, սպա առաջարկեց փակ, գաղտնի քվեարկություն անցկացնելու և դրա արդյունքներն ամփոփելու նպատակով ֆակուլտետի գիտական խորհրդի անդամներից ընտրել երեք հոգուց կազմված հաշվիչ հանձնաժողով: Առաջարկվեցին գիտխորհրդի անդամներ Դ. Պետրոսյանի, Ա. Մենեմշյանի և Ա. Առաքելյանի թեկնածությունները: Այլ առաջարկներ չեղան: Նախագահողն առաջարկեց բաց քվեարկությամբ հաստատել հաշվիչ հանձնաժողովի կազմը: Գիտական խորհուրդը քվեարկեց միաձայն: Սահմանված կարգով անցկացվեց փակ, գաղտնի քվեարկություն:

Այնուհետև հաշվիչ հանձնաժողովի նախագահ Դ. Պետրոսյանը հրապարակեց քվեարկության արդյունքները՝ տեղեկացնելով, որ գիտական խորհրդի 20 անդամներից քվեարկությանը մասնակցել է 16-ը: Բաժանվել է 16 քվեաթերթիկ, քվեատուփում առկա է եղել 16 քվեաթերթիկ: Չայները բաշխվել են հետևյալ կերպ. կողմ՝ 16, դեմ՝ 0, անվավեր՝ 0: Նիստի նախագահը առաջարկեց բաց քվեարկությամբ հաստատել փակ, գաղտնի քվեարկության արդյունքները:

Խորհուրդը միաձայն «կողմ» քվեարկեց:

ՈՐՈՇԵՑԻՆ. – Հաշվի առնելով փակ, գաղտնի քվեարկության արդյունքները, բ.գ.դ., պրոֆեսոր Տ. Սիմյանին համարել ընտրված Մեդիաուսումնասիրությունների ու նշանագիտության ամբիոնի վարիչի պաշտոնում:

ԼՍԵՑԻՆ. – Անվանական կրթաթոշակների հավակնորդների հաստատման հարցը:

ԱՐՏԱՀԱՅՏՎԵՑԻՆ.– Ն. Ն. Մարտիրոսյան, Դ. Վ. Պետրոսյան, Ա. Ռ. Մենեմշյան, Ն. Է Վարդանյան:

Անցկացվեց բաց քվեարկություն: Խորհուրդը միաձայն «կողմ» քվեարկեց բոլոր հավակնորդներին:

ՈՐՈՇԵՑԻՆ.– Հաշվի առնելով քվեարկության արդյունքները՝ երաշխավորել բակալավրիատի առկա ուսուցման 4-րդ կուրսի ուսանողուհի Էմմա Անդրանիկի Վարդանյանին (մոզ 19.80) 2026 թ. մարտի 1-ից ստանալու «Գաբրիել Մոլոյեան» անվանական կրթաթոշակը, բակալավրիատի առկա ուսուցման 4-րդ կուրսի ուսանողուհի Մարինե Էդգարի Զոհրաբյանին (մոզ 19.98) 2026 թ. մարտի 1-ից ստանալու «Հովհաննես Ադամյան» անվանական կրթաթոշակը, բակալավրիատի առկա ուսուցման 3-րդ կուրսի ուսանողուհի Նարե Գեորգիի Շավինյանին (մոզ 19.81) 2026 թ. մարտի 1-ից ստանալու «Արտաշես Քալանթարյան» անվանական կրթաթոշակը, բակալավրիատի առկա ուսուցման 3-րդ կուրսի ուսանողուհի Անի Աշոտի Սայադյանին (մոզ 19.75) 2026 թ. մարտի 1-ից ստանալու «Հարություն քահանա Շավոնյան» անվանական կրթաթոշակը:

ՆԻՍՏԻ ՆԱԽԱԳԱՀ

Ն.Ն. ՄԱՐՏԻՐՈՍՅԱՆ

ՔԱՐՏՈՒՂԱՐ

Զ.Զ. ՍԱՐԳՍՅԱՆ

